



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

1. Infelicitas divitum.

[urn:nbn:de:hbz:466:1-68709](#)

Vix spes ipse suas animo capit, aurea fingens
 Omnia: gaudenti mensas posuere ministri
 Extructas dapiibus, nec tostæ frugis egentes.
 Tum verò, sive ille suà Cerealia dextrâ
 Munera contigerat; Cerealia dona rigebant:
 Sive dapes avido convellere dente parabat;
 Lamina fulva dapes admoto dente nitebat.
 Miscuerat puris autorem muneris undis
 Fusile per rictus aurum fluitare videres,
 Attonitus novitate mali, Divésque, miserque,
 Effugere optat opes, & quæ modò youerat, odit.
 Copia nulla famem relevat, sitis arida guttur
 Urit: & inviso meritus torquetur ab auro.

Ad cœlumque manus, & splendida brachia tollens:
 Da veniam Lenæ pater, peccavimus, inquit:
 Sed miserere precor, speciosoque eripe damno,
 Mite deûm numen: Bacchus peccâsse fatentem
 Restituit, factique fide data munera solvit.
 Néve malè optato maneat circumdatus auro,
 Wade, ait, ad magnis vicinum Sardibus amnem,
 Pérque jugum ripæ labentibus obvius undis
 Carpe viam, donec venias ad fluminis ortus
 Spumigeroque tuum fonti, quâ plurimus exit,
 Subde caput, corpûsque simul, simul elue crimen.

Rex iussæ succedit aquæ: vis aurea tinxit
 Flumen, & humano de corpore cessit in amnem,
 Nunc quoque jam veteris percepto semine venæ
 Arua rigent, auro madidis pallentia glebis.

Ethica.

Duplicem hæc fabula Morali Scholæ doctrinam suggerit. Prior,
falsa mortalium vota. posterior, *divitum infelicitatem.*

I. (a) Vecordiam Midæ imitantur, qui divitiarum cupiditate abrepti,
 in id omnibus incumbunt viribus, ut velut gryphes, aut formicæ Indi-
 æ, coäcervent thesauros; quorum possessio deinde ipsis non modò onero-
 sa, cùm non minor labor sit: quâm querere, partâ tueri; sed etiam non
 rarò

(a) *Infelicitas divitum.*

raro exitiosa. Non frustra pallet aurum, cum insidiatores habeat plurimos. Hujusmodi Midæ cœnam, quondam Pythoniorum regi Pythæ apposuit uxor, qui rusticos ab agricultura, cives ab opificijs abstractos, aurum effodere coëgit. Refert ex Plutarcho Caussinus in Symbol. lib. 2. Uterque jejunus in mensa aurea, typum exhibit avari, summam inter opulentiam, & reconditos thesauros egentis. Recte Claudio in Rufin. lib. 1.

Semper inops, quicunque cupit.

Et Horat. lib. 3. Od. 16.

Multa potentibus, multa desunt.

Beator est, non qui plura habet, sed qui pauciora cupit. Nemo pluribus eget, quam qui plurima possidet. Adde, quod opes nunquam ferè possunt, neque parari sine injuria, neque exerceri sine luxu, neque haberri sine periculo, neque amitti sine dolore. Anacreon, celebris Poëta, Polycrat Samiorum tyranno quinque talenta, quibus ab eo donatus fuerat, restituisse fertur, quod ob ea duabus noctibus somno caruerit. Aurei Midæ ac Pythis cibi me faciunt meminisse alterius mensæ huic proposito convenientis, quam Heliogabalus parasitis apposuit saepè ceream, saepè ligneam, eburneam, fictilem, etiam marmoream, escis ex varia illa materia effectis; nonnunquam pictas ciborum tabulas exhibebat, inter quas convivæ fame macerarentur, & per singula fercula, tanquam comedissent, bibere cogerentur, ac manus lavare. Lampridius. En imaginem avaritiae, quæ miserè torquet, quos ipsa possidet, & amatores suos cogit inter opes esurire & bonorum tantum umbris frui. De qua re plura in Tantalo. De Avaro Horat. serm. 1. sat. 1.

mihi plando

Ipse domi, simul ac nummos contemplor in arca

Et mox:

Congestis undique saccis

Indormis inhians, & tanquam parcere Sacris

Cogeris, aut pictis tanquam gaudere tabellis.

II. (b) De stolido Midæ voto eleganter Maximus Tyrius, disser. 30. Quanti suum, inquit, sibi exitium accersunt grandibus votis! ut consequantur, petunt; damnant, cum consecuti sunt. Multi violenter impetrant, quod cupiunt, & id donum interpretantur. Errant fatui; supplicium est, non donum. Sapienter Socrates apud Val. Max. Lib. 7. c. 2. nihil ultra petendum à diis immortalibus arbitrabatur, quam

(b) Relata mortalium vota.